



La Val anuzëia bun les dijatenziuns dla defenjiun por jì in vantaje y mené inciö l'avversar derevers a ciasa sënza punc.

A La Val s'à presenté le Prettau cun na dërta schira de sogadús nūs te sūa formaziun. Al mēt man dla partida se mostra i avversars plö stersc co le Prettau che i ladins à conesciü ti ultims ann. Tosc é indere la formaziun de Hilber che atachëia y fej presciun sön le mür defensif che fej tl pröm momënt bun só laur mo mēss spo ti la zede al 30[^]. Sön trata de puniziun vëgn le palé rebatü dala defenjiun mo Christian Dapoz é asvelt a abiné y trá por pröm le curan te porta y se tol insciö la sodesfaziun de só pröm gol te chësta sajun. Püch do é la trata dal limit dl Prettau prigorosa, Sepl é reatif y abina le curan indirizé tl set de porta.

Le pröm tēp se stlūj jö sön le resultat de 1 a 0 por La Val

Le arbiter sciūra le scomenciamënt dla secunda pert, al comané dl jüch é indo i ladins, che fej piê ia Alexander da na pert jö y preparëia amez. Le un dl Prettau se chërda le curan che ti vëgn ince lascé passé dal defensur, Stefan lî bun la situaziun antizipanle verda porta por spizuré la cogura te porta por le 2-0, chësc suzed al 47[^]. Al 65[^] vëgn le sogadú amez dl Prettau lascé sú al limit y sön na rebatüda defensiva fejl pié ia n palonët che abina de plëgn la stangia de porta, fortuna por La Val che tēgn bót inant al bun momënt avversar. Michele se presentëia püch do ala trata de puniziun y vega na trata sterscia che mēss gní deviada dal portier te ciantun. Atres gran ocapiuns ne é nia plö da udëi cina la fin di nonanta menüc y i ladins pó insciö se conforté a se mēt ia i trëi punc do avëi anuzé a dërt momënt les ocapiuns por jí in vantaje. Cun chësta devënta se porta La Val a cé dla tlassifica adüm al Gais.

La Val – Prettau 2-0

Formaziun La Val: 1. Josef Kantioler, 2. Luca Pescollderung, 3. Sottara Werner, 4. Christian Dapoz, 5. Marco Castlunger, 6. Franz Tolpeit (dal 75[^] Adrian Miribung), 7. Max Nagler, 8. Michele Campeï, 9. Samuel Winkler (dal 80[^] Paolo Vallazza), 10. Stefan Sottara - capitan, 11. Alexander Miribung

Goi por La Val: Christian Dapoz al 30^, Stefan Sottara al 47^

Proscima partida: *In sabeda ai 15 de otober dales 15:30 a Uttenheim cuntra la squadra de ciasa.*

Atri resultac:

Altherren: La Val – Schabs:

Juniores (Val Badia): Plose – Val Badia: 4-1

Allievi (La Val): Pichl Gsies– La Val: 4-1

Giovanissimi (La Val): Steinhaus – La Val: 10-0

U11 (La Val/San Martin): La Val/San Martin – Pro Team: 0-1

U10 (San Martin / La Val): Reischach – San Martin/La Val: 2-2

